



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԸՆՏՐԱԿԱՆ ՀԱՆՁՆԱԺՈՂՈՎՆԵՐԻ
ՄԱՍՆԱԳԻՏԱԿԱՆ ԳԻՏԵԼԻՔՆԵՐԻ ԵՎ ԱՇԽԱՏԱՆՔԱՅԻՆ
ՈՒՆԱԿՈՒԹՅՈՒՆՆԵՐԻ ԿԱՏԱՐԵԼԱԳՈՐԾՄԱՆ**

ՈԱԶՄԱՎԱՐՈՒԹՅՈՒՆ

**հուլիս 2006-փետրվար 2007
մինչև դեկտեմբեր 2007թ հեռանկարով**

Սույն փաստաթղթում ներկայացվում է ընտրական հանձնաժողովների մասնագիտական գիտելիքների և աշխատանքային ունակությունների կատարելագործման համար ուսուցանող-կրթողների ուսուցման ռազմավարությունը: Այս ռազմավարությունում մանրամասն ամրագրված են 2006թ-ի հուլիսից մինչև 2007թ-ի փետրվար իրականացվելիք քայլերը: Այստեղ առաջարկներ են ներկայացվում այս ժամկետից հետո իրականացվելիք քայլերի մասին, որոնք կապահովեն ընտրական վարչարարության մասնագիտական գիտելիքների և աշխատանքային ունակությունների կատարելագործման շարունակականությունը:

Սույն ռազմավարությունը կազմվում է ՀՀ կենտրոնական ընտրական հանձնաժողովի և International IDEA-ի միջև փոխհամագործակցության համաձայնագրի և «Կայուն ժողովրդավարության զարգացումը Հայաստանում. ընտրական վարչարարության հմտությունների կատարելագործում և քաղաքական մասնակցություն» ծրագրի շրջանակում, և ենթակա է ՀՀ կենտրոնական ընտրական հանձնաժողովի հետ համաձայնեցման:

Ա. Նախաբան

Հայաստանի ընտրական հանձնաժողովներում (ԿԸՀ, ԸԸՀ և ՏԸՀ) ընդհանուր առմամբ ընդգրկվում են մոտ 20500 քաղաքացիներ, որոնցից 9-ը ԿԸՀ անդամներ՝ 369-ը ընտրատարածքային ընտրական հանձնաժողովների անդամներ և մինչև 20000-ը՝ տեղամասային ընտրական հանձնաժողովների անդամներ:

ՀՀ Ընտրական հանձնաժողովների մասնագիտական գիտելիքների և աշխատանքային ունակությունների կատարելագործման իրավական հիմքերն են հետևյալ իրավական ակտերը՝ ՀՀ Ընտրական օրենսգիրքը, ինչպես նաև ԿԸՀ 2005թ Օգոստոսի 4-ի N42-Ն (լրացված 2006թ հունվարի 11-ին, N 1-Ն) որոշումը «Ընտրական հանձնաժողովների անդամների, անդամության թեկնածուների համար մասնագիտական դասընթացներ կազմակերպելու և որակավորումներ շնորհելու կարգը սահմանելու մասին» և 2005թ դեկտեմբերի 21-ի N50-Ա որոշումը «Ընտրական հանձնաժողովների անդամների, անդամության թեկնածուների մասնագիտական դասընթացների ամենամյա ծրագիրը և գրաֆիկը հաստատելու մասին»:

Մասնավորապես, ՀՀ Ընտրական օրենսգրքի 34-րդ հոդվածի 1 կետի համաձայն՝ «Ընտրական հանձնաժողովների կազմում ընդգրկվում են ՀՀ ընտրական իրավունք ունեցող քաղաքացիները, որոնք կենտրոնական ընտրական հանձնաժողովի սահմանած կարգով անցել

են ընտրությունների անցկացման մասնագիտական դասընթացներ և ստացել են որակավորման վկայականներ»:

Իսկ ԿԸՀ վերոնշյալ երկու որոշումները սահմանում են դասընթացների ժամկետները, տևողությունը, ծրագիրը, հնարավոր մասնակիցների ցանկը, ինչպես նաև ֆինանսավորման կարգը:

Բ. Նպատակ

Սույն ռազմավարությունը նպատակ ունի ՀՀ կենտրոնական ընտրական հանձնաժողովի և International IDEA-ի համագործակցությամբ

- ապահովել ընտրական հանձնաժողովների մասնագիտական գիտելիքների և աշխատանքային ունակությունների շարունակական կատարելագործումը, որը կնպաստի ընտրական գործընթացի բարելավմանը ՀՀ-ում,
- մշակել և պատրաստել ուսումնական ծրագիր և նյութեր ՀՀ ընտրական հանձնաժողովների անդամների և անդամության թեկնածուների մասնագիտական գիտելիքների և աշխատանքային ունակությունների կատարելագործման համար՝ BRIDGE*-ի մեթոդաբանության հիման վրա,
- կրթել և ուսուցանել մինչև 25 Հայաստանի քաղաքացի/բնակիչ ուսուցանողներ-կրթողներ ընտրական հանձնաժողովների անդամների և անդամության թեկնածուների շարունակական ուսուցումն իրականացնելու համար:

Գ. Հիմնական սկզբունքներ

ՀՀ ընտրական հանձնաժողովների մասնագիտական գիտելիքների և աշխատանքային ունակությունների շարունակական կատարելագործումն ապահովվելու համար այս գործընթացի իրականացումը կապահովվի ԿԸՀ-ը:

Սույն ռազմավարության արդյունավետ իրականացման համար նախատեսվում է

- 20-25 Հայաստանի քաղաքացի/բնակիչ ուսուցանող-կրթողների թեկնածուների ընտրություն՝ վերջիններիս որպես ընտրական հանձնաժողովների ուսուցող-կրթողներ պատրաստելու համար: Այս ընտրությունը կատարում է այդ նպատակով ստեղծված հանձնաժողովը՝ բաց մրցույթի միջոցով:
- Ընտրված ուսուցանող-կրթողների թեկնածուները ուսուցանվում և միջազգային որակավորում են ստանում երկշաբաթյա BRIDGE դասընթացի միջոցով:
- Ընտրված, ուսուցանված և որակավորում ստացած ուսուցանող-կրթողները պարտավոր են առաջարկի դեպքում աշխատել և գործակցել ԿԸՀ-ի հետ՝ 3 տարվա ընթացքում, ԿԸՀ-ի և ուսուցանող-կրթողների միջև կնքված պայմանագրի հիման վրա:
- Որակավորում ստացած ուսուցանող-կրթողների տվյալները կտեղադրվեն ԿԸՀ ինտերնետային կայքում: ԿԸՀ-ն ընտրական հանձնաժողովների անդամների և թեկնածուների մասնագիտական ուսուցման դասընթացներ կազմակերպելիս դասախոսական կազմում կընդգրկի նաև BRIDGE կրթական ծրագրով որակավորում ստացած ուսուցանող-կրթողներին: ԿԸՀ-ը նաև խորհուրդ կտա ընտրական հանձնաժողովների անդամների և անդամության թեկնածուների մասնագիտական վերապատրաստումներ անցկացնող/կազմակերպող այլ կառույցների՝ իրենց

* BRIDGE (Building Resources in Democracy, Governance and Elections)-ը՝ ժողովրդավարության, կառավարման և ընտրական ռեսուրսների պատրաստում, միջազգային կրթական ծրագիր է՝ կազմված International IDEA-ի, Ավստրալիայի ընտրական հանձնաժողովի (AEC) և ՄԱԿ-ի Ընտրական օժանդակության ստորաբաժանման (UN-EAD) կողմից 1999թ-ին: BRIDGE-ը ընտրություն կազմակերպող մարմինների համար կազմված համապարփակ և համեմատական նորարար կրթական ծրագիր է՝ կազմված հենց ընտրական կառավարման մարմինների և կրթողների կողմից:

ուսուցանողների կազմում ընդգրկել BRIDGE կրթական ծրագրով որակավորում ստացած ուսուցանող-կրթողներին:

Դ. Հիմնական աշխատանքներ

1. Ուսուցանող-կրթողների թեկնածուներին ընտրող հանձնաժողովի կազմավորում – 16-25 հոկտեմբեր 2006

Հանձնաժողովը կազմված կլինի 3 անդամից, որոնցից մեկին կնշանակի International IDEA-ի հայաստանյան դիվանագիտական գրասենյակը, երկուսին՝ ԿԸՀ-ը, Ցանկալի է, որ հանձնաժողովի անդամները լինեն «Կայուն ժողովրդավարության զարգացումը Հայաստանում. ընտրական վարչակազմի հմտությունների կատարելագործում և քաղաքական մասնակցություն» ծրագրի կորիզ խմբի անդամներ:

Հանձնաժողովը կունենա հետևյալ լիազորություններն ու պարտականությունները՝

- Ներկայացված դիմումների ընդունում 2-րդ կետում նշված չափանիշներին համապատասխան (դիմումները կներկայացվեն ԿԸՀ աշխատակազմ):
- Ներկայացված դիմումների և փաստաթղթերի ուսումնասիրում և թեկնածուների նախնական ընտրություն:
- Նախնական ընտրության արդյունքում ընտրված թեկնածուների հետ հարցազրույցի անցկացում:
- Հարցազրույցի արդյունքում թեկնածուների ընտրություն:

Հանձնաժողովի որոշումները կայացվում են ձայների պարզ մեծամասնությամբ: Հանձնաժողովի որոշումներն իրավագոր են բոլոր 3 անդամների ներկայության դեպքում: Հանձնաժողովն ինքը կսահմանի իր աշխատակարգը:

2. Դիմում ուսուցողական դասընթացին մասնակցելու համար – 31 հոկտեմբեր-14 նոյեմբեր 2006

Հայաստանի Հանրապետության ընտրական իրավունք ունեցող յուրաքանչյուր քաղաքացի և բնակիչ իրավունք ունի դիմելու ընտրական հանձնաժողովների անդամների և անդամության թեկնածուների ուսուցանող-կրթողների դասընթացին մասնակցելու համար, եթե համապատասխանում է հետևյալ պահանջներին՝

- առնվազն 21 և ոչ ավելի քան 55 տարեկան է
- ունի բարձրագույն կրթություն
- տիրապետում է հայերենին (գրավոր և բանավոր)

Դիմորդները պետք է ներկայացնեն հետևյալ փաստաթղթերը.

- Լրացված դիմումի ձևը (*հավելված 3*)
- Ինքնակենսագրություն (CV)
- Անձնագրի և դիպլոմի պատճենները

Մասնակիցների ընտրության չափանիշները

Ցանկալի է, որ դիմորդն ունենա՝

- ընտրական փորձ
- դասավանդման փորձ
- Հայաստանի ընտրական և իրավական դաշտի իմացություն
- կազմակերպչական հմտություններ
- քաղաքացիական և հասարակական գործունեության փորձ
- հաղորդակցման և թիմային աշխատանքի հմտություններ

- ռուսերեն և անգլերեն լեզուների իմացություն

Ընտրության ժամանակ կհարգվեն նաև մասնակիցների աշխարհագրական ներկայացուցչությունը և գեներային հավասարակշռությունը:

3. Ուսուցողական դասընթացի մասնակիցների ընտրություն – 1 նոյեմբեր - 20 դեկտեմբեր 2006

Ընտրության գործընթացը կազմված կլինի երկու փուլից՝

- Ներկայացված դիմումների և փաստաթղթերի ուսումնասիրում և նախնական ընտրություն
- Հարցազրույցների անցկացում առաջին փուլն անցած թեկնածուների հետ:

Դիմումների ուսումնասիրման կարգը և ժամանակացույցը կսահմանի ուսուցանող-կրթողների թեկնածուներին ընտրող հանձնաժողովը:

Առաջին փուլն անցած դիմորդների հետ կանցկացվի հարցազրույց: Հարցազրույցի նպատակն է ընտրել ընտրական հանձնաժողովների անդամների և անդամության թեկնածուների ապագա ուսուցանող-կրթողներ: Հարցազրույցը կանցկացվի հանձնաժողովի կողմից նախապես սահմանված թեմաների և հարցադրումների շրջանակում:

4. Ընտրված մասնակիցների ուսուցանում՝ BRIDGE կրթական ծրագրով - 15-30 հունվար 2007

Ընտրության երկու փուլերի արդյունքում ընտրված թեկնածուները կմասնակցեն ուսուցանող-կրթողների ուսուցման երկշաբաթյա BRIDGE դասընթացի (*BRIDGE կրթական ծրագրի համառոտ նկարագիրը՝ Հավելված 4*): Դասընթացը կազմակերպվելու է այնպես, որ բացի ընտրական սկզբունքներից և միջազգային փորձից այն ավարտողները տիրապետեն ՀՀ ընտրական օրենսգրքին, ԿԸՀ որոշումներին և ՀՀ-ում ընտրությունների անցկացման ընթացակարգերին: Դասընթացին ամբողջությամբ գործուն կերպով ներգրավված մասնակիցները կստանան ընտրական հանձնաժողովների ուսուցանող-կրթողի միջազգային BRIDGE որակավորման ստորին աստիճանը (*Ուսուցանող-կրթողների որակավորման աստիճանակարգը՝ Հավելված 5*):

Նախատեսվում է, որ բացի Հայաստանյան մասնակիցներից BRIDGE դասընթացին կիրավիրվեն նաև մինչև 5 օտարերկրացի մասնակիցներ (իրենց սեփական ծախսերով), որն առավել հարուստ և համապարփակ կդարձնի ծրագիրը:

5. Ուսուցանող-կրթողների աշխատանքը - փետրվար 2007-ից

Որակավորում ստացած ուսուցանող-կրթողները պետք է 3 տարվա ընթացքում պատրաստ լինեն համագործակցել ԿԸՀ-ի հետ ընտրական հանձնաժողովների անդամների և անդամության թեկնածուների համար մասնագիտական դասընթացների կազմակերպման գործում, ԿԸՀ-ի առաջարկով՝ պայմանագրային հիմունքներով:

Ե. Ժամանակացույց

ընտրող հանձնաժողովի կազմավորում	16-18 հոկտեմբեր 2006
ընտրության կարգի և ընթացակարգերի մշակում հանձնաժողովի կողմից	18-25 հոկտեմբեր 2006
հայտարարության հրապարակում	31 հոկտեմբեր 2006

դիմումների ընդունում	1-14 նոյեմբեր 2006
դիմումների ուսումնասիրում և առաջին փուլով ընտրություն	15 -30 նոյեմբեր 2006
հարցազրույցների անցկացում և վերջնական ընտրություն	1-15 դեկտեմբեր 2006
ընտրության արդյունքների հրապարակում	15-20 դեկտեմբեր 2006
ուսուցողական-կրթական դասընթացի անցկացում	15-30 հունվար 2007

Ձ. Ակնկալվող արդյունքներ

Սույն ռազմավարության իրականացման արդյունքում ակնկալվում ենք ՀՀ ընտրական հանձնաժողովների անդամների և անդամության թեկնածուների մասնագիտական գիտելիքների և աշխատանքային ունակությունների կատարելագործում, որի արդյունքում կունենանք

- նյութեր և ուսուցողական ծրագիր
- մինչև 25 ուսուցանող-կրթողների բազա՝ միջազգային որակավորմամբ
- հնարավորություն տեղական ուժերով (առանց միջազգային փորձագետների ներգրավման) կազմակերպել ընտրական հանձնաժողովների համար միջազգային մակարդակով ընդունված ուսուցողական դասընթացներ:

Է. Ռեսուրսներ

Սույն ռազմավարության իրագործման համար հարկ է

- մարդկային ռեսուրսներ

BRIDGE ծրագրի որակավորմամբ (հնգաստիճան համակարգի առնվազն 4-րդ աստիճանի) 2-4 ուսուցանողներ՝ մինչև 25 մարդու համար ուսուցողական դասընթաց կազմակերպելու համար: Ինչպես նաև 1-ին աստիճանի 1 ուսուցանող՝ միջազգային որակավորում չնորհելու համար: Այս անհրաժեշտ մարդկային ռեսուրսներն ապահովում է International IDEA միջկառավարական կազմակերպության հայաստանյան դիվանագիտական գրասենյակը:

- ֆինանսական ռեսուրսներ

Այս ռազմավարության իրականացման համար անհրաժեշտ ֆինանսավորումն ապահովում է International IDEA միջկառավարական կազմակերպության հայաստանյան դիվանագիտական գրասենյակը:

Ը. Հետագա քայլեր շարունակականությունն ապահովելու համար

Հայաստանում ընտրական հանձնաժողովների մասնագիտական գիտելիքների և աշխատանքային ունակությունների կատարելագործման շարունակական գործընթաց ապահովելու համար փետրվար 2007թ-ից հետո՝ ընտրությունների անցկացման նախօրյակին, ընտրական հանձնաժողովների անդամների գիտելիքները, ինչպես նաև հնարավոր օրենսդրական փոփոխությունները ներկայացնելու համար նպատակահարմար է անցկացնել ընտրական հանձնաժողովների վերապատրաստման դասընթացներ:

- Ընտրական հանձնաժողովների անդամների վերապատրաստում

Նկատակահարմար է ընտրական հանձնաժողովների վերապատրաստման դասընթացներն անցկացնել

- ՏԸՀ-ների համար (20000 անդամ)՝ ընտրություններից 20-5 օր առաջ, 1 օր՝ 4 ժամ տևողությամբ
- ԸԸՀ-ների համար (369 անդամ)՝ ընտրություններից 60-25 օր առաջ, 2 օր՝ 4-ական ժամ տևողությամբ:

Ելնելով սույն ռազմավարությունից՝ 2007թ մարտ-մայիս ամիսներին մինչև 25 ուսուցանող-կրթողները կկարողանան վերապատրաստել ԸԸՀ-ների անդամներին՝ 2007թ մայիսի Ազգային ժողովի ընտրությունների նախօրյակին:

• **Ուսուցանող-կրթողների բազայի մեծացում**

Սույն ռազմավարության արդյունավետ իրականացման արդյունքում կարող է ընդլայնվել ուսուցանող-կրթողների բազան՝ մինչև 100 ուսուցանող-կրթող՝ համապատասխան որակավորման աստիճանակարգով (տես որակավորման աստիճանակարգը՝ *Հավելված 5*)

Հավելվածներ

- I. ՀՀ ԿԸՀ 2005թ հունվարի 11-ի որոշում N 1-Ն
- II. ՀՀ ԿԸՀ 2005թ դեկտեմբերի 21-ի որոշում N 50-Ա
- III. Ուսուցանող-կրթողների ուսուցողական դասընթացի դիմումի ձև
- IV. BRIDGE կրթական ծրագրի համառոտ նկարագիրը
- V. Ուսուցանող-կրթողների որակավորման աստիճանակարգ


ՍՈՒՅՆ ՓԱՍՏԱԹՈՒՂԹԸ ԿԱԶՄՎԵԼ ԵՎ
ՍՏՈՐԱԳՐՎԵԼ Է ԵՐԵՎԱՆՈՒՄ

2006 թ Հուլիս 6 - ԻՆ
International IDEA-ի կողմից՝

Անուն: Արմինե Առաքելեան

Պաշտոնը: Լիազոր ներկայացուցիչ և
հայաստանյան գրասենյակի ղեկավար

Ստորագրություն:




ՍՈՒՅՆ ՓԱՍՏԱԹՈՒՂԹԸ ԿԱԶՄՎԵԼ ԵՎ
ՍՏՈՐԱԳՐՎԵԼ Է ԵՐԵՎԱՆՈՒՄ

2006 թ հուլիսի 7 - ԻՆ
ՀՀ կենտրոնական ընտրական
հանձնաժողովի (ԿԸՀ) կողմից՝

Անուն: Գարեգին Ազարյան

Պաշտոնը: ԿԸՀ Նախագահ

Ստորագրություն:



Հավելված 1

Գրանցված է
ՀՀ արդարադատության
նախարարության կողմից
18 հունվարի 2006թ.
Պետական գրանցման քիվ 60606011

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎԻ**

11 հունվարի 2006թ.
ք. Երևան

N 1-Ն

Ո Ր Ո Շ ՈՒ Մ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԸՆՏՐԱԿԱՆ
ՀԱՆՁՆԱԺՈՂՈՎԻ 2005 ԹՎԱԿԱՆԻ ՕԳՈՍՏՈՍԻ 4-Ի N 42-Ն ՈՐՈՇՄԱՆ
ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ ԿԱՏԱՐԵԼՈՒ ՍԱՍԻՆ**

Դեկլարավելով Հայաստանի Հանրապետության ընտրական օրենսգրքի 41-րդ հոդվածի 1-ին կետի 26-րդ ենթակետով, «Հայաստանի Հանրապետության ընտրական օրենսգրքում փոփոխություններ և լրացումներ կատարելու մասին» Հայաստանի Հանրապետության օրենքի 86-րդ հոդվածի 2-րդ կետով, Հայաստանի Հանրապետության կենտրոնական ընտրական հանձնաժողովը

Ո Ր Ո Շ ՈՒ Մ Է.

Հայաստանի Հանրապետության կենտրոնական ընտրական հանձնաժողովի 2005 թվականի օգոստոսի 4-ի «Ընտրական հանձնաժողովների անդամների, անդամության թեկնածուների համար մասնագիտական դասընթացներ կազմակերպելու և որակավորումներ շնորհելու կարգը սահմանելու մասին» N 42-Ն որոշմամբ սահմանված կարգում կատարել հետևյալ փոփոխությունները և լրացումները.

1) 3-րդ կետում.

ա) «ինչպես նաև» բառերը հանել.

բ) «անձինք» բառից հետո լրացնել «, ինչպես նաև որակավորման ստուգարք հանձնած քաղաքացիները» բառերը:

2) 17-րդ կետը շարադրել հետևյալ խմբագրությամբ.

«17. Որակավորման հանձնաժողովի կազմում ընդգրկվում է.

ա) դասընթացներ անցկացնող դասախոսը,

բ) կենտրոնական կամ ընտրատարածքային ընտրական հանձնաժողովների կամ

Աշխատակազմի ներկայացուցիչը:»:

4) 18-րդ և 19-րդ կետերն ուժը կորցրած ճանաչել:

Գ. Ռ. Զ.

5) Կարգը լրացնել հետևյալ բովանդակությամբ, նոր 20¹, 20², 20³ կետերով.

«20¹. Որակավորման ստուգարքն անցկացվում է բանավոր՝ հարցատոմսի միջոցով: Հարցատոմսերը կազմվում են դասընթացներ անցկացնող ուսումնական հաստատության կողմից՝ դասընթացի ծրագրի սահմաններում, յուրաքանչյուր հարցատոմսում երեք հարց:

Ստուգարքի արդյունքում հանձնաժողովի անդամը ստանում է դրական (ստուգված) կամ բացասական (չստուգված) գնահատական:

20². Պատասխանի վերաբերյալ որակավորման հանձնաժողովի անդամների տարաձայնության դեպքում ընդունվում է հանձնաժողովի անդամի համար նախընտրելի տարբերակը:

20³. Հանձնաժողովի անդամը կարող է բողոքարկել ստուգարքի արդյունքում ստացած գնահատականը՝ Հայաստանի Հանրապետության օրենսդրությամբ սահմանված կարգով:»:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ
ՀԱՆՁՆԱԺՈՂՈՎԻ ՆԱԽԱԳԱՀ՝

Գ. Ա զ ա ր յ ա ն

Գրանցված է
ՀՀ արդարադատության
մախարարության կողմից
16 օգոստոսի 2005թ.
Պետական գրանցման թիվ 60605329

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎԻ**

4 օգոստոսի 2005թ.
ք.Երևան

N 42-Ն

**Ո Ր Ո Շ ՈՒ Մ
ԸՆՏՐԱԿԱՆ ՀԱՆՁՆԱԺՈՂՈՎՆԵՐԻ ԱՆԴԱՄՆԵՐԻ, ԱՆԴԱՄՈՒԹՅԱՆ
ԹԵԿՆԱԾՈՒՆԵՐԻ ՀԱՄԱՐ ՄԱՄՆԱԳԻՏԱԿԱՆ ԴԱՍԸՆԹԱՑՆԵՐ
ԿԱԶՄԱԿԵՐՊԵԼՈՒ ԵՎ ՈՐԱԿԱՎՈՐՈՒՄՆԵՐ ՇՆՈՐՀԵԼՈՒ ԿԱՐԳԸ ՍԱՀՄԱՆԵԼՈՒ
ՄԱՍԻՆ**

Ղեկավարվելով Հայաստանի Հանրապետության ընտրական օրենսգրքի 41-րդ հոդվածի 1-ին կետի 26-րդ ենթակետով, «Հայաստանի Հանրապետության ընտրական օրենսգրքում փոփոխություններ և լրացումներ կատարելու մասին» Հայաստանի Հանրապետության օրենքի 86-րդ հոդվածի 2-րդ կետով, Հայաստանի Հանրապետության կենտրոնական ընտրական հանձնաժողովը

Ո Ր Ո Շ ՈՒ Մ Է.

Սահմանել ընտրական հանձնաժողովների անդամների, անդամության թեկնածուների համար մասնագիտական դասընթացներ կազմակերպելու և որակավորումներ շնորհելու կարգը (Հավելված 1):

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ
ՀԱՆՁՆԱԺՈՂՈՎԻ ՆԱԽԱԳԱՀ՝**

Գ . Ա զ ա ր յ ա ն

Կ Ա Ր Գ

Ընտրական հանձնաժողովների անդամների, անդամության թեկնածուների համար մասնագիտական դասընթացներ կազմակերպելու և որակավորումներ շնորհելու

1. Ընդհանուր դրույթներ

1. Ընտրական հանձնաժողովների անդամների, անդամության թեկնածուների (այսուհետ՝ հանձնաժողովների անդամներ) համար մասնագիտական դասընթացներ (այսուհետ՝ դասընթացներ) կազմակերպելու նպատակը հանձնաժողովի անդամների՝ ընտրությունների անցկացման համար համապատասխան գիտելիքների ուսուցումն է և նրանց աշխատանքային ունակությունների կատարելագործումը:

2. Դասընթացներին կարող են մասնակցել ընտրական հանձնաժողովներում ընդգրկվելու իրավունք ունեցող Հայաստանի Հանրապետության քաղաքացիները:

3. Դասընթացներին չեն կարող մասնակցել Ազգային ժողովի պատգամավորները, Սահմանադրական դատարանի անդամները, նախարարները և նրանց տեղակալները, մարզպետները, Երևանի քաղաքապետը, համայնքների ղեկավարները, ազգային անվտանգության, ոստիկանության և պաշտպանության գերատեսչությունների, դատախազության, բանկային համակարգի աշխատակիցները, ինչպես նաև Հայաստանի Հանրապետության քրեական օրենսգրքի 149-154 հոդվածներով նախատեսված հանցագործությունների համար դատվածություն ունեցող անձինք:

4. Դասընթացների կազմակերպումն իրականացվում է պետական բյուջեի միջոցների հաշվին՝ հատկացված գումարների սահմաններում:

5. Դասընթացներ անցկացնող ուսումնական հաստատությունները (այսուհետ՝ ուսումնական հաստատություն) որոշվում են «Գնումների մասին» Հայաստանի Հանրապետության օրենքի պահանջներին համապատասխան անցկացված գնման ընթացակարգի արդյունքների հիման վրա:

2. Մասնագիտական դասընթացների կազմակերպման ընթացակարգը

6. Կենտրոնական ընտրական հանձնաժողովը հանձնաժողովի անդամների համար դասընթացների կազմակերպման վերաբերյալ զանգվածային լրատվության միջոցներով հրապարակում է հայտարարություն տվյալ դասընթացը սկսելուց ոչ ուշ, քան մեկ ամիս առաջ:

7. Հայտարարության մեջ նշվում է.

ա/ դասընթացներին մասնակցելու իրավունք ունեցող քաղաքացիներին ներկայացվող պահանջները.

բ/ փաստաթղթերի ներկայացման վերջնաժամկետը, որը պետք է լինի տվյալ դասընթացի մասին հայտարարության առաջին հրապարակումից առնվազն 15 օր հետո, դիմումներ ներկայացնելու վայրը և հեռախոսահամարը.

գ/ դասընթացի սկսելու օրը, ժամը, վայրը:

8. Կենտրոնական ընտրական հանձնաժողովի (ընտրատարածքային ընտրական հանձնաժողովների) կողմից վարվում են դասընթացներին մասնակցող քաղաքացիների դիմումների հաշվառման մատյաններ, որտեղ նշվում են դիմումի գրանցման համարը և ամսաթիվը, դիմումատուի անունը, ազգանունը, հայրանունը, մասնագիտական դասընթացի ժամկետները:

9. Դասընթացների խմբերը ձևավորվում են ներկայացված դիմումների հերթականությամբ:

10. Դասընթացները կազմակերպվում են տարին առնվազն մեկ անգամ՝ ըստ Երևան քաղաքի, իսկ մարզերում՝ ըստ ընտրատարածքների:

11. Դասընթացին մասնակցելու համար քաղաքացին ներկայացնում է՝

ա/ սույն կարգի թիվ 1 հավելվածով հաստատված ձևի դիմում.

բ/ անձնագրի պատճեն:

12. Յուրաքանչյուր դասընթացի տևողությունը պետք է լինի ոչ պակաս, քան 16 ակադեմիական ժամ:

13. Դասընթացներ անցկացնող դասախոսական կազմում կարող են ընդգրկվել նաև կենտրոնական ընտրական հանձնաժողովի, ընտրատարածքային ընտրական հանձնաժողովների անդամներ, «Կենտրոնական ընտրական հանձնաժողովի աշխատակազմ» պետական կառավարչական հիմնարկի (այսուհետ՝ Աշխատակազմ) աշխատակիցներ և այլ ուսումնական հաստատությունների համապատասխան մասնագետներ:

14. Դասընթացներն անցկացվում են ուսումնական հաստատության կողմից ներկայացված և կենտրոնական ընտրական հանձնաժողովի կողմից հաստատված ծրագրով՝ կենտրոնական ընտրական հանձնաժողովի կողմից հաստատված տարեկան գրաֆիկի համաձայն:

Տարեկան գրաֆիկի հիման վրա կենտրոնական ընտրական հանձնաժողովի նախագահը և ուսումնական հաստատության ղեկավարը համատեղ կազմում են մասնագիտական դասընթացների անցկացման ժամանակացույց:

15. Դասընթացների ծրագիրը ընդգրկում է հետևյալ իրավական ակտերը.

ա/ Հայաստանի Հանրապետության Սահմանադրություն.

բ/ Հայաստանի Հանրապետության ընտրական օրենսգիրք.

գ/ «Հանրաքվեի մասին» Հայաստանի Հանրապետության օրենք.

դ/ «Իրավական ակտերի մասին» Հայաստանի Հանրապետության օրենք.
(կենտրոնական և ընտրատարածքային ընտրական հանձնաժողովների անդամների համար)

ե/ Կենտրոնական ընտրական հանձնաժողովի որոշումներ:

3. Որակավորման ստուգարք ընդունող հանձնաժողովները

16. Հանձնաժողովների անդամներին որակավորում շնորհելու համար ուսումնական հաստատության կողմից ստեղծվում է որակավորման ստուգարք ընդունող հանձնաժողովներ (այսուհետ՝ որակավորման հանձնաժողով):

17. Որակավորման հանձնաժողովի կազմում ընդգրկվում է.

ա/ դասընթացներ անցկացնող ուսումնական հաստատության,

բ/ ուսումնական հաստատության կողմից ընտրված Հայաստանի Հանրապետության հասարակական այն կազմակերպությունների, որոնց կանոնադրական խնդիրները ներառում են ժողովրդավարության և մարդու իրավունքների պաշտպանության հարցեր.

գ/ կենտրոնական կամ ընտրատարածքային ընտրական հանձնաժողովների կամ Աշխատակազմի մեկական ներկայացուցիչ:

18. Հասարակական կազմակերպություններից, կենտրոնական կամ ընտրատարածքային ընտրական հանձնաժողովներից կամ Աշխատակազմից որակավորման հանձնաժողովի կազմում առաջադրվող անդամության թեկնածուների ցուցակները ներկայացվում են ուսումնական հաստատություն՝ համակարգչում զետեղելու համար:

19. Որակավորման հանձնաժողովը կազմվում է համակարգչում նախօրոք զետեղված և համակարգչի կողմից ընտրված 3 անդամից՝ որակավորման ստուգարքն անցկացնելուց առնվազն 24 ժամ առաջ:

4. Որակավորում շնորհելու ընթացակարգը

20. Որակավորման ստուգարքն անցկացվում է դասընթացների ավարտից հետո՝ 7 օրվա ընթացքում, որի արդյունքում քաղաքացին կարող է ստանալ որակավորման վկայական (Հավելված2):

Որակավորման վկայականը տրվում է մինչև երեք տարի ժամկետով:

21. Դասընթացի ավելի քան մեկ երրորդին չմասնակցելու դեպքում հանձնաժողովի անդամին չի թույլատրվում մասնակցել որակավորման ստուգարքին:

22. Որակավորման ստուգարքին չներկայացած հանձնաժողովի անդամը իրավունք ունի մասնակցելու անցկացվող հաջորդ ստուգարքներին:

23. Որակավորման վկայականում նշվում են՝

ա/ որակավորման ստուգարք հանձնած հանձնաժողովի անդամի անունը, հայրանունը, ազգանունը,

բ/ որակավորման վկայականը տվող ուսումնական հաստատության անվանումը,

գ/ որակավորման վկայականի համարը,

դ/ որակավորման վկայական տալու ամսաթիվը, ամիսը, տարեթիվը,

ե/ որակավորման վկայականն ուժի մեջ լինելու ժամկետը:

Որակավորման վկայականը վավերացվում է ուսումնական հաստատության ղեկավարի ստորագրությամբ և ուսումնական հաստատության կնիքով:

24. Որակավորման վկայականի ժամկետը լրանալուց հետո, որակավորման նոր վկայական ստանալու համար, քաղաքացին մասնակցում է միայն որակավորման ստուգարքին:

25. Որակավորման վկայականները կարող են ուժը կորցրած ճանաչվել սույն կարգի 15-րդ կետում նշված իրավական ակտերը փոփոխվելու դեպքում՝ կենտրոնական ընտրական հանձնաժողովի որոշմամբ:

26. Ուսումնական հաստատության կողմից վարվում են տրված որակավորման վկայականների հաշվառման մատյաններ, որտեղ նշվում են որակավորման վկայական ստացած հանձնաժողովի անունը, ազգանունը, հայրանունը, որակավորման ստուգարքի արդյունքում ստացված որակավորման վկայականի համարը, որակավորման վկայականի տրման և ուժի մեջ լինելու ժամկետները: Որակավորման վկայականը ստանալիս հանձնաժողովի անդամը ստորագրում է հաշվառման մատյանում:

27. Որակավորման վկայականի կորցնելու կամ օգտագործման համար ոչ պիտանի դառնալու դեպքում հանձնաժողովի անդամը դիմում է ներկայացնում համապատասխան ուսումնական հաստատություն՝ վկայականի կրկնօրինակը ստանալու համար:

Ուսումնական հաստատությունը վկայականի կրկնօրինակը հանձնաժողովի անդամին տրամադրում է դիմելուց հետո՝ 3 օրվա ընթացքում, որի վերաբերյալ համապատասխան գրառում է կատարվում ուսումնական հաստատության տրված որակավորման վկայականների հաշվառման մատյանում:

Որակավորման վկայականի կրկնօրինակի վերին աջ անկյունում կատարվում է «Կրկնօրինակ» նշագրումը:

28. Ուսումնական հաստատությունը յուրաքանչյուր որակավորման ստուգարքից հետո՝ եռօրյա ժամկետում, կենտրոնական ընտրական հանձնաժողով է ներկայացնում տեղեկանք /նաև էլեկտրոնային կրիչով/ որակավորման վկայական ստացած քաղաքացիների վերաբերյալ:

29. Դասընթացներ անցած և որակավորման վկայական ստացած քաղաքացիների վերաբերյալ տեղեկությունները տեղադրվում են կենտրոնական ընտրական հանձնաժողովի Ինտերնետային կայքում:

5. Անցումային դրույթներ

30. Կենտրոնական և ընտրատարածքային ընտրական հանձնաժողովների անդամների դասընթացները կազմակերպվում են սկսած 2005թ. սեպտեմբերի 1-ից:

31. Տեղամասային ընտրական հանձնաժողովների անդամության թեկնածուների համար դասընթացները կազմակերպվում են 2006թ. հունվարի 1-ից և պետք է ավարտվեն մինչև 2007թ. մարտի 1-ը, այն հաշվարկով, որ 2007 թվականի համապետական ընտրությունների ժամանակ տեղամասային ընտրական հանձնաժողովները կազմավորվեն դասընթացներ անցած և որակավորման վկայականներ ստացած քաղաքացիներով:

Սույն կետի պահանջը ապահովելու նպատակով կենտրոնական ընտրական հանձնաժողովը կարող է դասընթացների անցկացմանը պայմանագրային հիմունքներով ներգրավել այլ ուսումնական հաստատությունների դասախոսների:

32. Հանձնաժողովների անդամների համար առաջին մասնագիտական դասընթացներն անցկացնում է Հայաստանի Հանրապետության պետական կառավարման ակադեմիան:

Մարզերում (Երևան քաղաքում) դասընթացներ կազմակերպվում են տարին առնվազն 3 անգամ, մարզերում ըստ ընտրատարածքների՝ հաշվի առնելով ընտրատարածքում ընտրական տեղամասերի թիվը:

33. Հայաստանի Հանրապետության պետական կառավարման ակադեմիան մինչև 2005թ. հոկտեմբերի 1-ը կենտրոնական ընտրական հանձնաժողով է ներկայացնում կենտրոնական և ընտրատարածքային ընտրական հանձնաժողովների անդամների համար մասնագիտական դասընթացների անցկացման ծրագիրը:

34. Կենտրոնական ընտրական հանձնաժողովը մինչև 2005թ. դեկտեմբերի 1-ը սահմանում է 2006 թվականին տեղամասային ընտրական հանձնաժողովների անդամության թեկնածուների համար մասնագիտական դասընթացների կազմակերպման և անցկացման գրաֆիկը՝ ըստ ընտրատարածքների (Երևան քաղաքի):

Հավելված 1
Հայաստանի Հանրապետության
Կենտրոնական ընտրական հանձնաժողովի
2005թ. օգոստոսի 4 -ի թիվ 42 -Ն որոշմամբ
հաստատված կարգի

(Նշվում է մասնագիտական դասընթացներ կազմակերպող ուսումնական հաստատության անվանումը)

Դ Ի Մ ՈՒ Մ

Ընտրական հանձնաժողովների անդամների համար կազմակերպված մասնագիտական
դասընթացներին մասնակցելու

(ազգանուն, անուն, հայրանուն, ծննդյան ամսաթիվ, ավիա, տարեթիվ)

(ամսնագրի սերիա, համար, ում կողմից է տրված)

(թնակության վայրի հասցեն)

(կրթությունը)

(աշխատանքի վայրը և պաշտոնը)

Խնդրում եմ ինձ ընդգրկել

(Նշվում է անցկացվող մասնագիտական դասընթացի ժամկետը և վայրը)

ընտրական հանձնաժողովների անդամների համար կազմակերպված մասնագիտական
դասընթացներին:

Հայաստանի Հանրապետության քրեական օրենսգրքի 149-154 հոդվածներով նախատեսված
հանցագործությունների համար դատվածություն չունեն:

ԴԻՄՈՂ

(ազգանուն)

(ստորագրություն)

« _____ » _____ 200 թվական

Հավելված 2
Հայաստանի Հանրապետության
կենտրոնական ընտրական հանձնաժողովի
2005թ. օգոստոսի 4-ի թիվ 42 -Ն որոշմամբ
հաստատված կարգի

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԸՆՏՐԱԿԱՆ ՀԱՆՁՆԱԺՈՂՈՎԻ ԿԱԶՄՈՒՄ ԸՆԴԳՐԿՎԵԼՈՒ

ՈՐԱԿԱՎՈՐՄԱՆ ՎԿԱՅԱԿԱՆ N 000000

/անուն, հայրանուն, ազգանուն/

Անցել է ընտրությունների անցկացման մասնագիտական դասընթացներ և ստացել ընտրական հանձնաժողովում ընդգրկվելու իրավունք:

(որակավորման վկայական տվող ուսումնական հաստատության անվանումը)

Տրված է « ____ » _____ 200 թ.

Ուժի մեջ է մինչև՝ « ____ » _____ 200 թ.

Ուսումնական հաստատության
ղեկավար

/ստորագրություն

Կ.Տ.

Վկայականն ուժի մեջ է անձը հաստատող փաստաթուղթ ներկայացնելու դեպքում:

Հավելված 8 II

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎԻ**

21 դեկտեմբերի 2005թ.
թ.Երևան

N 50-Ա

Ո Ր Ո Շ ՈՒ Մ

**ԸՆՏՐԱԿԱՆ ՀԱՆՁՆԱԺՈՂՈՎՆԵՐԻ ԱՆԴԱՄՆԵՐԻ, ԱՆԴԱՍՈՒԹՅԱՆ
ԹԵԿՆԱԾՈՒՆԵՐԻ ՀԱՄԱՐ ՄԱՍՆԱԳԻՏԱԿԱՆ ԴԱՍԸՆԹԱՅՆՆԵՐ ԱՆՑԿԱՑՆԵԼՈՒ
ԾՐԱԳԻՐԸ ԵՎ ՏԱՐԵԿԱՆ ԳՐԱԶԻԿԸ ՀԱՍՏԱԵԼՈՒ ՄԱՍԻՆ**

Վեկավարվելով Հայաստանի Հանրապետության կենտրոնական ընտրական հանձնաժողովի 2005 թվականի օգոստոսի 4-ի թիվ 42-Ն որոշման 14-րդ կետով, Հայաստանի Հանրապետության կենտրոնական ընտրական հանձնաժողովը

Ո Ր Ո Շ ՈՒ Մ Է.

Հաստատել ընտրական հանձնաժողովների անդամների, անդամության թեկնածուների համար մասնագիտական դասընթացներ անցկացնելու ծրագրից համաձայն թիվ 1 հավելվածի և 2006 թվականի մասնագիտական դասընթացների գրաֆիկը՝ համաձայն թիվ 2 հավելվածի:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ
ՀԱՆՁՆԱԺՈՂՈՎԻ ՆԱԽԱԳԱՀ՝**



Գ. Ագաբյան

Հավելված 1
Հայաստանի Հանրապետության
Կենտրոնական ընտրական հանձնաժողովի
2005թ. դեկտեմբերի 21-ի թիվ 50-Ն որոշման

Ծ Ր Ա Գ Ի Ր

ԸՆՏՐԱԿԱՆ ՀԱՆՁՆԱԺՈՂՈՎՆԵՐԻ ԱՆԳԱՄԵՐԻ, ԱՆԴԱՄՈՒԹՅԱՆ
ԹԵԿՆԱԾՈՒՆԵՐԻ ՄԱՍՆԱԳԻՏԱԿԱՆ ԳԱՍԸՆԹԱՅՆԵՐԻ

Ծ	Թեմաների անվանումը	Ժամեր
I.	Ընտրական իրավունքի սահմանադրական հիմունքները	1
1.1	Անմիջական ժողովրդավարության սահմանադրական հիմքերը	
1.2	Ընտրական իրավունքի և ընտրական համակարգի հասկացությունը	
1.3	Ընտրական իրավունքի սկզբունքները	
1.4	Ընտրությունների տեսակները	
II.	Իրավական ակտերի մասին ՀՀ օրենքը	1
2.1	Իրավական ակտի հասկացությունը	
	<ul style="list-style-type: none"> • Իրավական ակտի հասկացությունը, էությունը և տեսակները՝ ըստ բնույթի • Իրավական ակտերի համակարգը • ՀՀ ուժ ընտրական գործընթացը կարգավորող իրավական ակտերի տեսակները, դրանց տեղը և նշանակությունը <u>ընդհանրապես իրավական ակտերի համակարգում</u> 	
2.2	ՀՀ կենտրոնական և ընտրատարածքային ընտրական հանձնաժողովների իրավական ակտերը	
	<ul style="list-style-type: none"> • ՀՀ կենտրոնական ընտրական հանձնաժողովի իրավասությունը նորմատիվ իրավական ակտերի ընդունման ոլորտում • ՀՀ կենտրոնական և ընտրատարածքային ընտրական հանձնաժողովների ոլորտների տեսակները <u>ըստ բնույթի</u> 	
2.3	ՀՀ կենտրոնական և ընտրատարածքային ընտրական հանձնաժողովների իրավասությունը իրավական ակտերի ընդունման և պարզաբանման ոլորտում	
	<ul style="list-style-type: none"> • ՀՀ կենտրոնական և ընտրատարածքային ընտրական հանձնաժողովների իրավասությունը իրավական ակտերի նախագծերի մշակման, ընդունման, փորձաքննության, պետական գրանցման, հրատարակման ոլորտում • ՀՀ կենտրոնական և ընտրատարածքային ընտրական հանձնաժողովների իրավական ակտերի ուժի մեջ մտնելը և գործողության դադարումը 	
2.4	ՀՀ կենտրոնական ընտրական հանձնաժողովի իրավական ակտերի պաշտոնական պարզաբանումը	
	<ul style="list-style-type: none"> • ՀՀ կենտրոնական ընտրական հանձնաժողովի իրավասությունը իր կողմից կիրառվող կամ ընդունված իրավական ակտերի պաշտոնական պարզաբանումներ տալու ոլորտում • Իրավական ակտերի պաշտոնական պարզաբանումներ տալու կարգը 	

III.	ՀՀ օրենքի «Հանրաքվեի մասին»	1
3.1	Հանրաքվեի հասկացությունը և տեսակները	
3.2	«Հանրաքվեի մասին» ՀՀ օրենքը	
	<ul style="list-style-type: none"> • Ընդհանուր դրույթներ • Հանրաքվեի անցկացման նախաձեռնությանը հանդես գալը և հանրաքվե նշանակելը • Հանրաքվեի դրվույ նախագիծը հրատարակելը • Հանրաքվեի ֆինանսավորումը • Բարոզությունը 	
IV.	ՀՀ ընտրական օրենսգիրք	9
4.1	Ընդհանուր դրույթներ	
	<ul style="list-style-type: none"> • Հիմնական դրույթներ • Ընտրողների ցուցակները • Ընտրական տեղամասերը և տեղամասային կենտրոնները • Ընտրատարածքները • Նախընտրական բարոզություն • Ընտրությունների ֆինանսավորումը • Վառահիված անձինր, դիտարկները և զանգվածային լրատվության միջոցների ներկայացուցիչները 	
4.2	Ընտրական հանձնաժողովներ	
	<ul style="list-style-type: none"> • Ընտրական հանձնաժողովների համակարգը և անդամների կարգավիճակը • Ընտրական հանձնաժողովների կազմավորումը • Ընտրական հանձնաժողովների լիազորությունները 	
4.3	Քվեարկությունը և քվեարկության արդյունքների ամփոփումը	
	<ul style="list-style-type: none"> • Քվեարկության կարգադրությունը • Քվեարկության կայքը • Քվեարկության և ընտրությունների արդյունքներն ամփոփելու կարգը 	
4.4	ՀՀ Նախագահի, Աժ պատգամավորների, համայնքի ղեկավարների և ավագանու անդամների ընտրությունները	
	<ul style="list-style-type: none"> • Ընդհանուր դրույթներ • Թեկնածուների առաջադրումը և գրանցումը • Թեկնածուների կարգավիճակը • Նախընտրական բարոզությունը • Ընտրությունների արդյունքների ամփոփումը 	
V.	ԿԸՀ որոշումներ	4
	Մտուզարք	
	Ը ն դ ա մ ե ն ք	16

Հայաստանի Հանրապետության
Կենտրոնական ընտրական հանձնաժողովի
2005թ. դեկտեմբերի 21 -ի թիվ 50 -Ն որոշման

Գ Ր Ա Ֆ Ի Կ

**ԸՆՏՐԱԿԱՆ ՀԱՆՁՆԱԺՈՂՈՎՆԵՐԻ ԱՆԴԱՄՆԵՐԻ, ԱՆԳԱՍՈՒԹՅԱՆ
ԹԵՆԴԱԿԱՆՈՒՄՆԵՐԻ 2006 ԹՎԱԿԱՆԻ ՍԱՄՆԱԳԻՏԱԿԱՆ ԴԱՍԵՆԹԱՑՆԵՐԻ**

Դասընթացների մասնակիցներ	Դասընթացների անցկացման ժամանակահատվածը
Կենտրոնական ընտրական հանձնաժողովի անդամներ	մինչև 2006 թվականի ապրիլի 1-ը
Ընտրատարածքային ընտրական հանձնաժողովների անդամներ	մինչև 2006 թվականի ապրիլի 1-ը
Ընտրական հանձնաժողովների անդամության թեկնածուներ (յստ ընտրատարածքների և Երևան քաղաքի) (Սևոսնազիտական դասընթացներին մասնակցելու գիծում ներկայացրած Հայաստանի Հանրապետության ընտրաբազիսներ)	մինչև 2006 թվականի դեկտեմբերի 20-ը



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԸՆՏՐԱԿԱՆ ՀԱՆՁՆԱԺՈՂՈՎԱՆԵՐԻ ՄԱՍՆԱԳԻՏԱԿԱՆ ԳԻՏԵԼԻՔՆԵՐԻ ԵՎ ԱՇԽԱՏԱՆՔԱՅԻՆ ՈՒՆԱԿՈՒԹՅՈՒՆՆԵՐԻ ԿԱՏԱՐԵԼԱԳՈՐԾՈՒՄ

ԴԻՄՈՒՄ

Ընտրական ուսուցանող-կրթող դառնալու համար

Անուն

Ազգանուն

Հասցե

Հեռ

E-mail

լուսանկար

Սեռ. Ար

Իգ

Ծննդյան ամսաթիվ-----

Ծննդյան վայր -----

Քաղաքացիությունը: _____

Կրթություն (որակավորում) _____

Մասնագիտություն: _____

Ներկա զբաղմունքը _____

▪ Ի՞նչ լեզուների եք տիրապետում (գրավոր և բանավոր)

- Հայերեն	- Ռուսերեն	- Անգլերեն	Այլ _____
<input type="checkbox"/> վատ	<input type="checkbox"/> վատ	<input type="checkbox"/> վատ	
<input type="checkbox"/> լավ	<input type="checkbox"/> լավ	<input type="checkbox"/> լավ	
<input type="checkbox"/> գերազանց	<input type="checkbox"/> գերազանց	<input type="checkbox"/> գերազանց	

▪ Երբևէ աշխատե՞լ եք ընտրական ոլորտում:

ԱՅՈՒ ՈՉ

Եթե այո, խնդրում ենք պարզաբանել երբ և որտեղ, ինչպես նաև հակիրճ նկարագրել Ձեր կատարած աշխատանքը _____

▪ Երբևէ աշխատե՞լ եք որպես ուսուցիչ, դասախոս կամ մեծահասակներին ուսուցանող (trainer):

ԱՅՈՒ ՈՉ

Եթե այո, խնդրում ենք պարզաբանել ե՞րբ, ո՞րտեղ և ի՞նչ եք ուսուցանել _____

▪ Երբևէ քաղաքացիական կամ հասարակական գործունեություն ծավալե՞լ եք

ԱՅՈՒ ՈՉ

Եթե այո, խնդրում ենք պարզաբանել ե՞րբ, ո՞րտեղ և ի՞նչ գործունեություն _____

▪ Արդյո՞ք նախընտրում եք թիմային, թե՞ անհատական աշխատանքը

- Հայաստանի ընտրական ոլորտի ի՞նչ բարեփոխումներն եք առաջնահերթ համարում

- Պատրաստակամ եք արդյո՞ք պարտավորություն ստանձնել առնվազն 3 տարվա ընթացքում համագործակցել ՀՀ կենտրոնական ընտրական հանձնաժողովի հետ՝ որպես ընտրական հանձնաժողովների անդամների և անդամության թեկնածուների ուսուցանող-կրթող՝


ԱՅՈՒ ՈՉ

- Պատրաստակամ եք արդյո՞ք ճամփորդել ՀՀ մարզերը՝ ուսուցողական դասընթացներ վարելու համար

ԱՅՈՒ ՈՉ

Ամսաթիվ:

Ստորագրություն:





BRIDGE ծրագրի համառոտ նկարագիր

BRIDGE-ը յուրահատուկ, նորարար և ճկուն ուսուցողական ծրագիր է ընտրական վարչարարությամբ զբաղվողների համար, որը թույլ է տալիս ոլորտի մեջ նոր ներգրավված մասնագետներին համապարփակ պատկերացում կազմել ընտրությունների մասին, իսկ փորձառու պաշտոնյաներին՝ նոր հորիզոններ բացել ընտրական սկզբունքներում: Այս ծրագրի հիմքում ընկած է մեծահասակաների ուսուցանման մեթոդը, որտեղ մեծ տեղ է հատկացվում թիմային աշխատանքին և փորձի միջոցով ուսուցմանը:

BRIDGE-ը բաղկացած է 2 հիմնական մասերից

1. *Ստորոշներ /թեմաներ/, որտեղ ընդգրկված են ուսուցողական վարժություններ և BRIDGE դասընթացի նյութեր/ռեսուրսները: Հիմնական թեմաների ցանկը բերված է ստորև.*

1. Ծանոթություն ընտրական վարչարարությանը
2. Ընտրական համակարգեր
3. Հանրային տեղեկատվություն
4. Ընտրատարածքների սահմանագծում
5. Ընտրողների գրանցում
6. Թեկնածուներ
7. Ընտրությունների նախապատրաստություն
8. Քվեարկություն և ձայների հաշվում
9. Ընտրական դիտորդներ
10. Շարունակական ռազմավարություն

Եվս երկու թեմաներ նոր են կազմվել և կընդգրկվեն BRIDGE-ի ծրագրի արդեն երկրորդ հրատարակման մեջ

11. Ընտրությունների մատչելիություն (հաշմանդամների, ծերերի, հղիների և այլ խոցելի խմբերի համար)
12. Լրատվամիջոցները և ընտրությունները

2. *Դասընթաց ուսուցանողների համար*

Ուսուցանողների համար նախատեսված դասընթացը BRIDGE ծրագրի երկրորդ բաղկացուցիչ մասն է, որը կիրառում է ուսուցանիչ ուսուցանողին մոդելը: Դասընթացի նպատակն է՝ որակավորել տեղական ուսուցանողների մեկ խումբ որպես BRIDGE-ի կրթողներ՝ տվյալ երկրում դասընթացներ վարելու համար: 10 օրյա տևողությամբ այս դասընթացի նպատակն է BRIDGE-ի դասընթացների պոտենցիալ կրթողներին տրամադրել պրակտիկ հմտություններ և գիտելիք BRIDGE ծրագրի թեմաների և դրանց դասավանդման վերաբերյալ:

Ուսուցանողների համար նախատեսված դասընթացի նպատակն է՝

- ուսուցանողներին ուսուցանել BRIDGE-ի արդեն գոյություն ունեցող ծրագրի բովանդակությունը, նոր նյութերի մշակում, ինչպես նաև BRIDGE ծրագրի մեթոդաբան
- ուսուցանվողներին օգնել BRIDGE ծրագրի իրականացման փորձառություն տալով

- Ուսուցանվողներին հնարավորություն տալ փոփոխել գոյություն ունեցող BRIDGE ծրագիրը և կազմել նոր նյութեր
- Տրամադրել մեխանիզմ գնահատելու ուսուցանողների ունակությունները BRIDGE ծրագրի պահանջվող ստանդարտների համապատասխան՝ ծրագրի արդյունավետ իրականացման համար

Ազգային մակարդակով ուսուցանողների համար դասընթացները կազմակերպվում են այն երկրներում, որտեղ նախատեսվում է իրականացնել լայնածավալ BRIDGE ծրագիր (որի ժամանակ աշխատանքի կվերցվի ուսուցանողների խումբը): Միջազգային մակարդակով ուսուցանողների համար դասընթացները կազմակերպվում է առնվազն տարին մեկ անգամ, աշխարհի տարբեր մասերում, որտեղ հետաքրքրություն կա BRIDGE ծրագրի նկատմամբ կամ այն արդեն իրականացվում է:

Ուսուցանողները պատասխանատու են՝ ապահովելու BRIDGE-ի իրականացման որակը և ամբողջականությունը: Ուսուցանողները որակավորվում են հիմնադրող գործընկերների կողմից 4 մակարդականոց սանդղակով, որը գնահատում է ունակությունների և փորձի տարբեր մակարդակները:

Որակավորված ուսուցանող դառնալու համար դիմորդները պետք է հաջողությամբ ավարտեն երկու մասից բաղկացած հետևյալ ծրագիրը՝

1. Ֆորմալ մաս՝ ուսուցանողների համար նախատեսված 10-օրյա դասընթաց
2. Պրակտիկ մաս՝ կանկրետ որևէ ընտրված թեմայի ուսուցանում՝ արդեն որակավորված ուսուցանողի ղեկավարությամբ



Ա. BRIDGE ուսուցանող-կրթողների որակավորման աստիճանակարգը

Մակարդակ	Ինչ կարող են անել	Ով կարող է նրանց որակավորել	Չափանիշը
մակարդակ 1	<ul style="list-style-type: none"> կարող է BRIDGE դասավանդել առանց ղեկավարման ուսուցանել ղեկավարման կրթողների (TtF) Որակավորել ուսուցանող-կրթողների 	IDEA, AEC, UN-EAD	<ul style="list-style-type: none"> Ընդունված է BRIDGE-ի երեք գործընկեր կազմակերպությունների կողմից (ներկայացնել CV + և նամակ երաշխավորագիր) Որպես 2-րդ մակարդակի ուսուցանող-կրթող դասավանդել է առնվազն 150 ժամ Ունի լայն ընտրական գիտելիք Լրիվ հավատարմագրված ուսուցանող-կրթող է BRIDGE դասավանդել է առնվազն 150 ժամ լայն ընտրական գիտելիք
մակարդակ 2	<ul style="list-style-type: none"> կարող է BRIDGE դասավանդել առանց ղեկավարման ուսուցանել ուսուցանող-կրթողների (TtF) 	1-ին մակարդակի ուսուցանող-կրթող	<ul style="list-style-type: none"> Լրիվ հավատարմագրված ուսուցանող-կրթող է BRIDGE դասավանդել է մինչև 150 ժամ
մակարդակ 3	<ul style="list-style-type: none"> կարող է BRIDGE դասավանդել առանց ղեկավարման ուսուցանել ուսուցանող-կրթողների (TtF) 1-ին կամ 2-րդ մակարդակի ուսուցանողի հետ միասին 	1-ին մակարդակի ուսուցանող-կրթող	<ul style="list-style-type: none"> Լրիվ հավատարմագրված ուսուցանող-կրթող է BRIDGE դասավանդել է մինչև 150 ժամ
մակարդակ 4	<ul style="list-style-type: none"> կարող է BRIDGE դասավանդել առանց ղեկավարման 	1-ին մակարդակի ուսուցանող-կրթող	<ul style="list-style-type: none"> Հաջողությամբ ավարտել է ուսուցանող-կրթողների ուսուցման (TtF) դասընթացը համատեղ դասավանդել BRIDGE-ի առնվազն 1 մոդուլ Որակավորվել է 1-ին մակարդակի ուսուցանող-կրթողի կողմից
մակարդակ 5	<ul style="list-style-type: none"> կարող է BRIDGE դասավանդել ղեկավարմամբ 	1-ին կամ 2-րդ մակարդակի ուսուցանող-կրթողի հետ միասին	<ul style="list-style-type: none"> Հաջողությամբ ավարտել է ուսուցանող-կրթողների ուսուցման (TtF) դասընթացը

Բ. ՀՀ ընտրական վարչարարության ուսուցանող-կրթողների որակավորման աստիճանակարգը

Մակարդակ	Ինչ կարող են անել	Ով կարող է նրանց որակավորել	Չափանիշը
մակարդակ 1	<ul style="list-style-type: none"> կարող է առանց ղեկավարման ուսուցանել և որակավորել ուսուցանող-կրթողների ուսուցանել ՀՀ ընտրական վարչակազմի բոլոր մակարդակներում առանց ղեկավարման ուսուցանել ՀՀ ընտրական վարչակազմի բոլոր մակարդակներում 	<p>1-ին մակարդակի BRIDGE ուսուցանող-կրթող</p>	<ul style="list-style-type: none"> BRIDGE ուսուցանող կրթողի առնվազն 3-րդ մակարդակ Ընտրական վարչակազմի ուսուցողական ծրագրի և նյութերի պատրաստման փորձ լայն ընտրական գիտելիք
մակարդակ 2	<ul style="list-style-type: none"> առանց ղեկավարման ուսուցանել ՀՀ ընտրական վարչակազմի բոլոր մակարդակներում 	<p>1-ին մակարդակի ուսուցանող-կրթող</p>	<ul style="list-style-type: none"> ՀՀ տեղամասային ընտրական հանձնաժողովների դասավանդման առնվազն 50 ժամվա փորձ ՀՀ ընտրատարածքային կամ կենտրոնական ընտրական հանձնաժողովներին ղեկավարումով դասավանդման առնվազն 50 ժամվա փորձ հաջողությամբ ավարտել է ուսուցանող-կրթողների ուսուցման դասընթացը և որակավորվել է լայն ընտրական գիտելիք
մակարդակ 3	<ul style="list-style-type: none"> առանց ղեկավարման ուսուցանել ՀՀ տեղամասային ընտրական հանձնաժողովների անդամներին և անդամության թեկնածուներին ղեկավարումով ուսուցանել ՀՀ ընտրատարածքային ընտրական հանձնաժողովների անդամներին 	<p>1-ին մակարդակի ուսուցանող-կրթող</p>	<ul style="list-style-type: none"> հաջողությամբ ավարտել է ուսուցանող-կրթողների ուսուցման դասընթացը և որակավորվել է

